

Որպես Մարաջախտն՝ Գունդստապլին, այսպես էլ ընդ ձեռամբ Սենեսկալին էր չորրորդն յաւագ պաշտօնէից հոգաբարձուաց պետութեանն՝ այն է **Ջամբոլայն** (Ciambellanus, Chambellan), որ է *Սենեսկապետ*, կամ *Հանդերձապետ* արքունի, իբրև *Ջգեցուցանող* թագաւորին Արշակունեաց, կամ *Պռտովեստիարն* Բիզանդացոց (Προτοβεστάριος, Protovestiarius), պահապան նշանաց եւ զգեստուց նորին, յօրինիչ հանդիսից, համարակալ գանձուն, եւ այլն, գուցէ եւ տեսուչ եւ քննիչ աշխարհապահ ամրոցաց, որպէս էին սենեսկալք այլոց պետութեանց Փռանկաց յարեւելս: Սակաւք ոմանք յիշին եւ յայսմ պաշտաման, որոց առաջին առ Լեւոնի օտարազգին Օլիվիէր¹¹⁵:

Յետ չորեցուն աւագ պաշտօնէիցս՝ գլխաւոր հանդիսանայ **Ջանցլերն** (Cancellarius, Chancelier), այսինքն **Ատենադպիր** կամ Քարտուղար արքունի. որ յաւետ յեկեղեցական կարգէ ընտրէր, յորում՝ յայտ է թէ գիտնագոյնքն գտանէին ՚ի գրութիւն եւ ՚ի շարագրութիւն բանից եւ ՚ի թարգմանութիւնս լեզուաց. որոց առաջին եւ նախածանօթ է մեզ *Յովհաննէս* արքեպիսկոպոս Սսոյ (յետոյ կաթողիկոս). եւ զի այսպիսի մեծի արքայական քաղաքի հոգեւոր վերատեսուչն էր պաշտօնեայն, ապա եւ մեծապատիւ էր քան զյոզունս ՚ի պաշտօնէից, այլ ոչ մեծագօր, եւ գործ էր նորա գրել եւ ստորագրել արքունի հրովարտակաց, կրելով եւ պահելով զկնիք թագաւորի, եւ ըստ աստիճանին՝ դատողական եւս վարելով տեսչութիւն, յառանձին կարելոր դէպս¹¹⁶:– Յայտ է թէ ընդ ձեռամբ մեծի

1277 †1307 *Օշին, որդի Մմբատայ Գունդստապլի.*

1307-16 *Ռեմունդ, Տէր Միքայէլկլայի.*

1321-31? *Հեթում.*

1391 *Ֆրանչիսկոս Myre.*

¹¹⁵ Ջամբոլայք.

1202 *Միր Ուլիվեր.*

1218 *Ճօպին.*

1288 *Պետրոս.*

1307 *Թորոս.*

1308-25 *Հեթում Տէր Նորի.*

1386 *Յովհանն Myre.*

1395 *Յովհանն Babin.*

¹¹⁶ Ջանցլերք (Ատենադպիրք).

1200-3 *Յովհաննէս արքեպիսկոպոս Սսոյ.*